

Qualques reflexions per rapòrt a la socializacion de la lenga :

- resforçar lo ligam entre l'IEO e los ensenhaires d'occitan. Sovent, son pas membres de l'IEO, e participan sonque a la disctada. Se poiria benlèu envisatjar d'escruiure a cada ensenheire (del primièr coma del segon gra), coma o fa per exemple M. J. Veny al Clapàs pel CREO Lengadòc. Mas per aquò far, cladriá un bon supòrt de comunicacion per presentar de perspectives d'integracion interessantas, dubrir la possibilitat a la creacion d'activitats que poirian tanben interessar los escolans...tot se pòt imaginar.
- un "espai infàntil" a l'occitana. Una gardariá, que la lenga parlada e escrita seriá l'occitan, mas ont la socializacion se fariá a l'entorn de causas pas directament ligadas a l'occitan (espòrts, jòcs, cinèma...).
- de perspectives nòvas rapòrt a las empresas qu'utilizan l'occitan, particularament dins lo sector alimentari : mesa en valor, mas tanben discussion amb eles, los anar veire, lor proposar de venir prendre de corses dins los IEO, de far difusion del Diari e d'autres supòrts de l'IEO. N'i a que serián interessats, e pensi que podèm trapar de monde interessat per far aqueste trabalh
- d'intervencions de l'IEO a l'universitat e dins las manifestacions occitanas o occitanistas que n'es pas organisator : aquò permetriá d'o far conéisser coma instrument d'accion viu, mas tanben de mostrar al joves que l'IEO pòt èsser çò que ne fan, qu'es un luòc dobèrt als projèctes nòus
- proposar de formacions a la cultura e al patrimòni occitan als oficis de torisme, e s'apiejar suls politics locals que nos sostenon per fa venir realitat aquel projècte (que sabi plan qu'en general son pas brica assabentat o motivats per l'èsser)

**Leo Humbert**